

經典CP 期待再續戲緣

# 嘉欣展鵬合唱 掀「巨輪」回憶

《Remember記得·鍾嘉欣演唱會》繼廣州、佛山及深圳後，昨晚在惠州江北體育館舉行第4站，全晚高潮位莫過於嘉賓陳展鵬與鍾嘉欣合唱《都是你的錯》，兩人曾合作熱爆劇《巨輪》，如今相隔多年再次「巨輪Re-U」，掀起無限回憶殺。



■鍾嘉欣預告會推出多首新歌。

■兩人於《巨輪》的情侶形象深入人心。資料圖片



鍾嘉欣(Linda)與陳展鵬主演的經典無綫劇《巨輪》，2013年開播贏得收視和口碑。兩人相隔多年再次踏上舞台合作，掀起大家的回憶殺。Linda表示：「其實我對上一次同展鵬喺台上合唱，係大概10年前喺美國登台，之後大家就有再見過面。」她坦言勾起不少合作《巨輪》的回憶，大讚展鵬是非常認真、心思細密的演員，是她非常欣賞的演員之一：「初認識展鵬時，覺得佢好似張學友Mix Superman。張學友係我好欣賞嘅歌手，所以我今次點歌，希望展鵬可以唱一首學友嘅歌，展鵬好好，佢真係應我要求，唱學友嘅《真情流露》。」

問Linda為何會邀請陳展鵬做

嘉賓？她說：「同展鵬合作過《巨輪》，好有CP值，好想畀番觀眾一個回憶，同埋我覺得展鵬唱歌好好聽。」她指展鵬很好人，一口答應做嘉賓：「展鵬永遠都有一種好親切嘅感覺，佢好有心，好多謝佢，而且佢仲問我夾唱咩歌好，好有誠意。我哋最後揀咗《都是你的錯》，因為我哋覺得觀眾估唔到我哋會唱呢首歌，會帶驚喜畀觀眾。」Linda續說除了今次合作，相當期待可以跟展鵬再次合作演戲。

### 預告出治癒新歌

此外，Linda將於8月中到中山舉行第5站個唱，她形容今年是豐收一年：「今年係我嘅音樂年，工作上做到好多新嘗試，亦做到好多自己鍾意做嘅嘢，真係好感



■單文柔(左)做跟得夫人，陪老公陳展鵬到惠州演出。

恩。嚟緊我會出幾首新歌，主題都係醫治心靈作用，只要能夠帶到力量畀人，我都繼續做。簡簡單單做好每日工作，珍惜每次機會，就係現時我嘅生活。」

■陳展鵬是鍾嘉欣很欣賞的演員之一。

## 小方宣布太太佢B女

方力申(小方)早前宣布太太葉萱懷孕，但未有公開性別。前日他在佛山舉行演唱會時，以刺破氣球方式揭曉BB性別，冒出多個粉紅色小氣球，寓意老婆快將生女，他扮激動說：「我直情係接受唔到呢個現實，當時我全晚都係話仔嚟㗎，冇可能係女，我真係接受唔到啊，對我衝擊太大啦！」他直言：「我到今日仲未好肯定佢係真係女嚟嘅，所以月尾我陪太太去照個結構，睇吓有冇嘢凸出嚟先。」

小方透露生仔或生女有何分別：「如果係仔，佢好大壓力，因為我一定要佢練游泳、一定要佢好有禮貌、好誠實，即係好生性。如果生女，我想我長命啲、弗啲，即係我想保護佢。我想佢拖住我時，覺得老實佢係好有型，所以我嘅壓力好大。」



■小方以刺破氣球方式揭曉BB性別。

## 《中年3》8強晒扮嘢天分

《中年好聲音3》8強選手前晚在啟德體藝館舉行《中年好聲音3有你有我演唱會》，在「大俠都是這樣失戀的」環節，眾人以古裝扮相演短劇放笑彈。劉洋扮「劉小鳳」，被趙浚承扮演的「趙英雄」問為何身材走樣？劉洋說：「我愛的人離開我，後來鍾意食燒鵝就變成這個樣子。」至於扮「楊過」的李金凱自稱「凱兒」，劉洋與趙浚承齊聲說：「原來係海兒老師！」之後「我們的友情世界」環節，劉洋扮胖虎、王鄭浚仁扮小夫、張與辰扮大雄、占士丁丁扮多啦A夢，與觀眾一起重拾童真。



■左起：李金凱、劉洋與趙浚承演短劇放笑彈。